

C A I B. XVII.

43 Agus thàinig Maois agus Aaron gu beulaobh pàilliun a' choi'-thionail.

44 Agus labhair an Tighearna re Maois, ag ràdh,

45 Rachaibh suas o mheasg a' choi'-chruinnich fo, agus sgrìobhaidh mi iad mar ann am prìobadh na sùla: agus thuit iad air an eudannaibh.

46 Agus thubhairt Maois re h-Aaron, Glac tùiseir, agus cuir teine ann bhàrr na h-altarach, agus cuir tùis air, agus imich gu grad a dh'ionnfuidh a' choi'-chruinnich, agus dean rèite air an son; oir chaidh fearg a mach o'n Tighearna<sup>a</sup>: thòisich a' phlàigh.

47 Agus ghlac Aaron e, mar a dh'aithn Maois, agus ruidh e gu meadhon a' choi'-chruinnich; agus feuch, bha phlàigh air tòiseachadh am measg an t-sluaigh: agus chuir e tùis air, agus rinn e rèite air son an t-sluaigh.

48 Agus sheas e eadar na mairbh agus na beotha, agus choisgeadh a' phlàigh.

49 Agus bhàsaich 'sa' phlàigh ceithir mìle deug agus seachd ceud, a thuilleadh orra-san a bhàsaich 'an aobhar Choraibh.

50 Agus phill Aaron a dh'ionnfuidh Mhaois, gu dorus pàilliun a' choi'-thionail: agus choisgeadh a' phlàigh.

C A I B. XVII.

**A** GUS labhair an Tighearna re Maois, ag ràdh,

1 Labhair re cloinn Israeil, agus gabh slat o gach aon aca, a réir tighe an aithreacha, o'n ceannardaibh uile, a réir tighe

<sup>a</sup> o ghnùis an Tighearna. *Eabh.*  
rach.

an aithreacha, dà shlat deug: sgrìobh ainm gach duine air a shlat féin.

3 Agus sgrìobhaidh tu ainm Aaroin air slat Lebhi: oir *bithidh* aon slat air son cinn tighe an aithreacha.

4 Agus cuiridh tu suas iad ann am pàilliun a' choi'-thionail, 'an làthair na fianuis, far an coinnich mis' thu.

5 Agus tarlaidh, *gu'n* d'thig slat an duine a thaghas mise fuidh bhlàth<sup>b</sup>; agus bheir mi air gearain chloinn Israeil sgur uam, leis am bheil iad re gearan 'nar n-aghaidh-sa.

6 Agus labhair Maois re cloinn Israeil, agus thug gach aon d'an ceannardaibh dha slat am fear, aon air son gach ceannaird, a réir tighe an aithreacha, *eadhon* dà shlat deug: agus *bha* slat Aaroin am measg an slat.

7 Agus chuir Maois suas na slatan 'an làthair an Tighearna, ann am pàilliun na fianuis.

8 Agus air an là màireach chaidh Maois a steach do pàilliun na fianuis; agus feuch, bha slat Aaroin, air son tighe Lebhi, air briseadh a mach, agus air cur maoth dhuille aísde, agus air teachd fuidh bhlàth, agus air giùlan almona.

9 Agus thug Maois a mach na slatan uile o làthair an Tighearna gu cloinn Israeil uile; agus dh'amhairc iad orra, agus ghabh gach duine a shlat féin.

10 Agus thubhairt an Tighearna re Maois, Thoir slat Aaroin a ris 'an làthair na fianuis, gu bhi air a gleidheadh mar chomhara,

<sup>b</sup> gu'm bris slat an duine a thoghas mise